

3-YEAR-OLD KINDER

**Best Start**  
**Best Life**

# کودکستان بلدی سه - ساله

بلدی ازیکه هدف کیته دیشته باشی، زوستون از  
مو نیاز د بهترین آغاز زندگی دیره



دولت ویکتوریا تقریباً 5 بلیون دالر ره د مدت ده سال بلدی معرفی کدون کودکستان مفت سه - ساله عمومی سرمایه گذاری مونه - و ای فعلن د تمام ایالت مهیا استه.

ای به معنی ازیکه یک سال اضافه بلدی یادگرفتو، رشد کیدو، بازی و آشنایی قد دوستا بلدی زوستو د ویکتوریا استه.

سهم گرفتو د برنامه با کیفیت کودکستان بلدی زوستو از سن سه سالگی باعث ترقی د بخش یادگیری، رشد، صحت و تندرستی موشه.

### زوستو ریزه د باره دنیا دوروبرخواز طریق بازی یاد میگره

یادگرفتو از طریق - بازی بهترین راه بلدی یاد گیری بلدی زوستون ریزه استه. ای بلدی زوستو فرصت میدیه که از تصور خو استفاده کنه، مهارت

زیبون خو بهتر کنه و د باره حساب و شکل ها یاد بیگره. اونا همچنان یاد میگره که چطور قد دیگر و رفتارکنه، شریک بسازه، گوش کنه و احساسات خو اداره کنه.

### تمام زوستو د ویکتوریا د دوسال کودکستان مفت دسترسی دیره

زوستو د تمام ایالت از سال 2022 میتنه که حداقل پنج سات د هفته د کودکستان مفت دسترسی دیشه باشه. ای تا سال 2029 تا 15 سات د هفته میرسه.

### فرق ننه که زوزاد از شمو د کجا د کودکستان موره، استاد و

#### معلمای تربیت شده ای برنامه ره پیش مویره

زوستو میتنه که برنامه کودکستان ره د جاهای سرپرستی که تمام روز استه مثل خدمات (childcare) بوره یا د یک کودکستان مستقل بوره.

<b>زوستوی ریزه د باره دنیا از طریق بازی یاد میگره</b>
<b>اونا یاد میگره که چطور قد دیگر و رفتارکنه، شریک بسازه، گوش کنه و احساسات خو اداره کنه</b>
<b>د برنامه کودکستان اطفال از طریق بازی مهارت زیبون خو بهتر مونه و د باره حساب و شکل ها یاد میگره.</b>
<b>معلما و استاد زوستو ره کمک مونه که اونا د باره یادگرفتو کنجاو، خلاق و مطمئن باشه</b>

<p><b>برنامه کودکستان</b> زوستو برنامه کودکستان ره د روزا و ساتای مشخص شده موره</p>	<p><b>کودکستان مستقل</b></p>
<p><b>برنامای کودکستان</b> زوستو میتنه که د برنامه کودکستان بجای بخشی از خدمات سرپرستی تمام روزه خو سهم بیگره</p>	<p><b>خدمات سرپرستی تمام روزه</b></p>
<p><b>تعلیم و سرپرستی</b> خدمات سرپرستی تمام روزه تعلیم ابتدایی طفولیت و سرپرستی بلدی زوستون که بین سن 0 تا 6 ساله استه مهیا مونه</p>	

انتخاب یک خدمات کودکستان با کیفیت کمک مونه که زوزاد شیم از وقتی که د کودکستان استه بهترین استفاده کنه. شمو میتنین که ستاره کیفیت خدمات ره د اینجی سرزنید و توغ کنین [www.startingblocks.gov.au](http://www.startingblocks.gov.au)

### چی وقت کودکستان مفت سه – ساله عمومی ره شروع می تنی

اکثریت خدمات ها یک مرحله ثبت نام کیدو دیره که یک سال پیش ازیکه زوزاد کودکستان ره شروع کنه و از موشه، شمو باید د باره ثبت نام کیدو وقتی که زوزاد از شمو دوساله شد فکر کنید.

فامیلا و سرپرستا که زوزاد شی بین ماه جنوری و ماه اپریل پیدا شده میتنه که انتخاب کنه که چی وقت برنامه عمومی مفت کودکستان سه – ساله ره شروع کنه. فامیلا شاید انتخاب کنه که زوستون شی سال آینده شروع کنه تا قد سال که مکتب ره شروع مونه برابر شونه، د حالیکه دیگه زوستو کودکستان ره د دو ساله گی شروع مونه.

تمام برنامه های کودکستان مفت باید مطابق قانون ایمنی و راهنمای کیفیت دولتی باشه و مطابق چارچوپ یاد گیری و رشد سالهای اول ویکتوریا جور شونه.

خدمات سرپرستی تمام روزه میتنه که یک روز مکمل سرپرستی و درسی، بشمول برنامه کودکستان دیشته باشه. کودکستان که از طرف استاد - اداره موشه قسمی جور شده که ساتای اضافه درسی و سرپرستی دیره. د خدمات مستقل، یک برنامه کودکستان تانا د بعضی از روزا د یک وقت مشخص ارائه موشه. ای روزا و ساتا از طرف خدمات کودکستان تعیین موشه.

**بلدی ازیکه فیصله کنی که زوزاد خوره ده کجا رایبی کنی یا نه بستگی د ای دیره که چی خدمات د منطقه از شمو د دسترس استه، و بلدی فامیل و زوزاد شیم کدم شی بهتر استه**

### شامل کیدون یک زوزاد ده یک کودکستان مفت سه – ساله عمومی

قد خدمات کودکستان محلی خو د باره مراحل ثبت نام کیدو و وقت شی توره بوگین، د خود کودکستان بورین و قنجه کارگرای شی توره بوگین. بلدی ازیکه کودکستان محلی خو پیدا کنین و بهترین خدمات ره بلدی فامیل انتخاب کنین، سرزنید د ویبسایت: [education.vic.gov.au/choose-kinder](http://education.vic.gov.au/choose-kinder)

زوستون که بین 1 ماه جنوری و 30 ماه اپریل پیدا شده مستحق استن که برنامه مفت کودکتان سه - ساله ره امو سالی که سه ساله موشه بوره یا امو سالی که چار ساله موشه.

زوستو تا وقتی که سه ساله نشده شاید ننته که د برنامه سهم بیگره که خدمات نمیتنه تناسب معلم و زوستو ره بلدی زوستون که دوساله استه دیشته باشیه.

زوستون که بین 1 ماه می و 31 ماه دسمبر پیدا شده تانا مستحق استن که د برنامه کودکتان مفت بلدی زوستون سه - ساله ره وقتی که اونا چار ساله شد بوره و کودکتان بلدی چار ساله ره وقتی که اونا پنج ساله شدن.

### سن شروع کودکتان

تاریخ که زوزاد پیدا شده	نظرها	2020	2021	2022	2023	2024
21 ماه دسمبر 2016 - 30 ماه اپریل 2017	فامیلا حق دیره که مکتب ره د سال 2022 یا 2023 شروع کنه	کودکتان بلدی زوستون-3-ساله	کودکتان بلدی زوستون-4-ساله	ماده گی (Prep)	صنف 1	صنف 2
1 ماه می - 20 دسمبر 2017*			کودکتان بلدی زوستون-3-ساله	کودکتان بلدی زوستون-4-ساله	ماده گی (Prep)	صنف 1
21 ماه دسمبر 2017 - 30 ماه اپریل 2018	فامیلا حق دیره که مکتب ره د سال 2023 یا 2024 شروع کنه		کودکتان بلدی زوستون-4-ساله	کودکتان بلدی زوستون-4-ساله	ماده گی (Prep)	صنف 1
1 ماه می - 20 دسمبر 2018*			کودکتان بلدی زوستون-3-ساله	کودکتان بلدی زوستون-4-ساله	ماده گی (Prep)	صنف 1

- تاریخ ماه دسمبر ترم آخری 4 د مکتب های دولتی است. اگر مکتب که فامیل انتخاب کیده دیگه تاریخ بلدی روز آخر ترم 4 دیره باید امو تاریخ استفاده شونه.

### کی میتنه قد سوالاتی زیادتر که د باره کودکتان سه - ساله استه کمک کنه

- خدمات کودکتان محلی یا ارائه دهنده از شمو به شمول خدمات سرپرستی تمام روز
- شاروال منطقه شیم و پرستار زچه و بچه
- بلدی وزارت صحت زنگ بزیند (Department of Health (DH)) د شماره **13 22 89**
- ایمیل کنید د

[3yo.kindergarten@education.vic.gov.au](mailto:3yo.kindergarten@education.vic.gov.au)

سر بزیند د وبسایت [www.vic.gov.au/kinder](http://www.vic.gov.au/kinder)

